



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School	:	礼贤会彭学高纪念中学
学校名称	:	RHENISH CHURCH PANG HOK KO MEMORIAL COLLEGE
Name of Play 剧名	:	心镜 VISIT
Script writer 剧作者	:	戏剧学会成员 集体创作

Synopsis 故事大纲 :

镜——是一种表面光滑，具反射光线及影像作用的物品，日常被人们用来整理仪容，看到一模一样的自己。

若果镜子不是平面的，反射出来的影像则会扭曲的，镜内可能存在另一个世界。

故事讲述阿思是一名心理学系的准毕业生，需要到访一所精神病院进行实习。阿思的个案对象便是一名曾受到家暴的女子——斯。过程中，思对斯的了解日渐增多，因而想极力帮助斯逃出困境，谁料思却慢慢地进入了斯的世界，更未能抽身，寻回自己。

你们有否在镜中看见过扭曲了的自己？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

序

(地点不详)

(灯亮)

(众演员坐两旁，一会儿众进入舞台，并拿起呼拉圈)

(舞台下方有两名女子坐着)

思：(同时起身，进入舞台，并蹲着) 你系边个？你究竟系边个？你究竟系边个啊？

斯：(同时起身，进入舞台并蹲着) 我咪你咯！

思：你点会系我啊！

斯：我点解唔可以系你啊？你睇清楚啲。

(思小心翼翼地看着斯)

斯：你系我，我系你，你永远都摆脱唔到我！

(二人大笑)

思：(突然地)有可能，我唔会系你，我要杀徂你！

(思冲过去，把斯压倒在地上，用力地捏着她颈部)

(众人进场)

众：(指住思) 系你杀徂佢，你杀死徂「你自己」！

思：唔系我呀！唔系我呀！

(思疯狂地跑着圈) (众人扶起斯)

(灯转)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一場

(教授的房间)

(一会儿，见思拍门)

教: come in

思: 对不起! 教授, 塞车, 真系好塞车呀.....

教: 对不起! 教授, 塞车, 真系好塞车呀? 我约徂你几点呀?

(二人同时望表)

思:

教: 你知唔知你今次篇毕业论文做得好差呀? 你点毕业呀? 仲有, 唔该你睇清楚你自己系乜野境况先啦?

你已经 defer 徂一年, 我绝对有足够理由唔畀你毕业!

思: 唔好呀! 教授, 我好辛苦先嚟到呢步㗎!

教:好咩! 写多一篇论文, 跟多一单 case 呀?

思: 吓?其他同学都系做一份论文毕业.....

教: 恁你系咪唔做呀? 咁你睇吓你到底毕唔毕到业呀?

思:做。

(教授把文件给思)

思: 吓? 又系呢个 case!

教: 出到去出面, 所有 case 都差唔多啦! 恁你系咪唔做呀?

(思病发)

教: 你做咩呀? 你个病仲未好返呀?

思: 唔系呀! 我头痛啫.....

教: 咁好呀, 单 case 三个月后交界我。

思: 知道.....

(灯转)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第二場

(公园内)

思: sorry 呀! 我迟到.....

男: 唔紧要啦!

男: 你无嘢呀嘛?

思: 无。

男: 真系无?

(男朋友帮思拨头发, 见思却避开)

思: 真系无呀。

(见思照镜)

男: 系咪学校发生乜乜嘢呀?

思: (不耐烦地) 无呀!

男: 系咪学校嗰个罗教授畀多份功课你呀?

思: (错愕地) 吓? 你搵人跟踪我, 你明知故问!

男: 唔系呀! 乜嘢跟踪啊? 我都系关心你先去问你乜同学咋.....

思: 关心我? 我走啦!

男: 阿思!

(斯进入舞台)

思/斯: 吓.....

思: 好痛呀.....

男: 阿思! 唔好走.....

思/斯: 点解你会喺度嘅?



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

晴：点解我唔可以喺度？你买咗挞地咩？唔系所有嘢都系你㗎！你睇住嚟吖！大家过嚟.....我有嘢爆畀
大家知.....

(众演员走进舞台)

众：咩事呀？.....

晴：你哋知唔知呀？我哋级嘅高材生吖.....即系平时好 Cool，唔肯讲嘢嗰个呢.....大家知唔知佢嘅童年系点
㗎？

敏：八婆，你咩料呀？

晴：关你乜事呀！

思：阿敏，算啦！

敏：你试下讲呀！我杀徂你！

思：阿敏呀！算啦！

晴：好呀！我最中意人哋凶我㗎啦！

思：唔好呀！

(男朋友捉紧思)

思：放开我呀！

敏：你哋有个系好人！

晴：我同你哋讲呀.....呢两条友系喺女童院长大㗎.....

(父及母进场，父强行拉走斯，母无视他们)

晴：大家又知唔知道佢(指思)点解会喺女童院长大吖？.....就系因为佢细
个嗰阵时俾佢老豆搞过嚟！

众：吓！

敏：你个贱人！

(敏打晴，却被众人捉着)

敏：放开我呀！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

晴：你叫我也话？贱人？同我打镬金过佢！

(众打敏)

思：停手呀！停手呀！

(晴捉着思，而众继续打敏)

(一会儿，众惊慌地散开)

晴：(向敏)抵死！(向众)出事啦！仲唔走？

(她们急促地离去)

(一会儿)

思：.....敏.....敏.....你点呀？

敏：阿思....你要好好照顾自己.....我走喇.....

(敏离开舞台)

思：唔好走呀！

男：阿思....

思：你见唔见到呀？.....头先呀.....

男：咩头先呀？

思：你见唔到咩？

男：.....阿思.....你有冇定期食医生开畀你嘅药呀？

思：.....有.....

男：有？

思：有呀！

男：阿思.....不如.....我哋结婚吓？我已经出租嚟做嘢，有稳定嘅收入，畀我照顾你？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(男给思戒指，并且下跪，思望戒指，男给她带在手指上)

(男起身，思除下戒指，还给男，男再给回思，思却把戒指掉走)

男：喂呀！系咪我做错乜乜嘢？

思：唔系呀！你好好呀！.....系我衬你唔起.....我哋分手啦！

(思离开舞台)

男：阿思.....

(男追出舞台)

(灯转)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第三场

(精神病院内，现正是病人的自由活动时间)

A: 好闷啊！玩乜嘢搵呀？

B: 系搵乜嘢玩呀！

A: 哦.....玩乜嘢搵呀？

B: (突然起身)你做咩嘢呀？

A: 你做乜走开呀？

B:系玩乜嘢搵呀.....

A: 哦~

C: 个呼拉圈系我㗎.....

D: 个呼拉圈系我㗎.....

C: 系我㗎！

E: 喂喂喂.....你哋喺度做咩啊？

C: 院长，佢攞住我个呼拉圈呀！

D: 个呼拉圈系我㗎！

E: 你畀返个呼拉圈佢啦！

D: 哦.....

E: (向斯) 做咩唔行呀？

斯: 哦.....

E: 你要多乜出嚟行下.....识下乜新朋友.....

斯: 个呼拉圈系我㗎！

E: 个呼拉圈系你嘅？

斯: (向 C) 个呼拉圈系我㗎.....畀返我呀！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

C：个呼拉圈系我㗎！

E：个呼拉圈系我嘅！我系院长，呢到所有嘢都系我嘅，包括呢个呼拉圈。(向 C) 你呀！同我行够 8000 步，先返嚟搵我报到.....

C：哦.....

(院长进入舞台)

院：早晨呀！院长！

E：早晨呀！你系？

院：我咪系你㗎！

E：吓？你系我？

院：冇错呀。其实我同你都差唔多，只不过你地系社会上「被」人标签咗，而我做呢角色冇咋嘛。

E：你都系有精神病嘅！

院：系呀！如果唔系，我喺度做咩呀？

E：(突然跳舞)我跳舞靚唔靚呀？

院：靚！紧系靚啦！

E：洗乜讲！我拎亚洲杯第一㗎

(思进来)

思：唔该.....

院长：你系？

思：你系陈院长？

院：系呀，你系....阿思，系 Professor Law 嘅学生？如果我有记错，你系嚟

第二次㗎啦？毕唔到业要做多一份论文咁吗-----Oh, sorry .I don't

mean it.....

思：(勉强地)系呀，唔知今次边个系我个 patient 呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

院：等我睇下佢是不是度先.....啊！个个呀，着住束衣个个女仔呀。

思：噫？依家系活动时间，点解佢仲要着住束衣嘅？

院：阿「准毕业生」呀，我终于明白点解你要做两篇毕业论文嘞，你都无做好准备嘅.....

思：对不起呀！

院：我都唔知而家少细路谗紧少乜，做紧少乜嘅.....

(静默)

院：(向病人)好喇，够钟喇，要去睇电视嘅去电视机房，要去厕所嘅去厕所，阿斯你留低。

思：阿斯？

(院长怒视着思)

E：吖.....我记得你喇，你系.....唔系，你话你有精神病吖嘛，您我咪系院长嘍！好喇，够钟喇，要去睇电视嘅去电视机房，要去厕所嘅去厕所，阿斯你留低，(向院长)系啲.....你食徂药未呀？

(院长点头)

E：你食徂药啦嘛.....食徂药就去洗厕所啦！(向远处)喂！你系度做咩呀？我以院长嘅身份叫你停低呀！

(E离开舞台)

院：今日我哋有空房，你喺度 visit 佢啦(拿櫈)，放心！呢度有 cam 㗎，我会监视住㗎喇.....吖！如果有事就去我 office 搵我，呢条走廊直行转左转右再转左再转右.....

(院长离开)

思：吓？(错愕)呃...

(斯毡毡惊惊地)

思：请坐呀.....阿斯.....

斯：姐姐，你叫咩名呀？

思：吓？我大你少少㗎咋，唔洗叫我姐姐。

斯：喔.....我系问你叫咩名呀？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

思：呃.....

斯：乜你连自己嘅名都不记得㗎？

思：唔.....唔系.....你叫我阿 Kate 就得㗎喇.....

斯：阿 Kate 你好呀，我想同你握下手呀，可唔可以帮我除徂佢呀？(转身)

思：(起身想帮斯解开) 呀，唔得，呢个系院长先可以做㗎，我有呢个权力。

斯：求下你啦！佢哋绑得我好紧，我抖唔到气喇！

思：你习惯下就得㗎喇！

(思扶斯坐低)

斯：我都唔明点解咁人要绑住我，你睇下头先咁人呀，佢哋仲癫过我啦！

思：呃.....(看档案)有原因嘅，你份报告话你曾经多次割脉自杀.....

斯：我大力徂咋，我唔系想自杀，我净系钟意玩荆手，你有冇玩过荆手啊？

思：冇！.....冇呀！

斯：可唔可以畀我睇下你个手腕呀？

思：冇呀！冇嘢睇呀.....！（生气）Sorry 呀！

斯：系我讲对不起就真，系我好奇啫，如果你有荆手，我咪揭起你好多疮疤，你就会谗起好多唔开心嘅嘢！

思：(压抑住)都话有咯！

斯：冇就最好啦！

思：啊.....我哋言归正传，介唔介意同我倾下计，等我 study 下你呀？

斯：啊.....我认得你喇，你今年有嚟过，呀！唔系，系你细个有嚟过。

思：吓，你认得我？我细个有嚟过？冇呀.....我从来都有嚟过！

斯：你讲大话，你至少今年年头有嚟过，之不过身份有咁唔同㗎。算啦，

我哋言归正传。点解你要做多份毕业论文嘅？人人都系做一份咋㗎，

是不是你唔能够专注呀？所以你唔合格呀？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

思：唔系啊！我想攞多啲 credits，所以想做多份，我先问 Professor Law 攞多份嚟做！

斯：喔，系咪呀？

思：系呀！你系咪质疑我，而家我系医生，你系病人，有病嗰个系你。

斯：系咩？不过，你距离毕业仲有三个月，一份论文起码都要写半年，你写得撤喇喇？

思：我会搞得掂，唔洗你替我担忧.....(行去另一边) 点解你会知我咁多嘢？系咪好似我男朋友咁，
搵人跟踪我？

斯：你男朋友搵人跟踪你？点解呀？

思：佢唔系搵人跟踪我呀，佢系关心我呀！

斯：你睇下你呀，你知唔知自己讲紧乜乜嘢呀？

思：我知呀！

斯：你真系知？

思：我知。

斯：咁好嘢，知嘢！

思：你未答我呀！点解你知我咁多嘢，你起我底呀？

斯：你唔净只有 bipolar disorder，仲有 mental disorder，都好严重添。

思：我有呀！（两边行得好快）你好快讲，点解你知我恁多嘢？

斯：我就系唔讲呀，你松徂我，我就讲嘢.....

思：唔松呀！（回去坐低）你根本就冇病。

斯：系呀，我系有病㗎！

思：咁你点解你要入嚟呀？

斯：你唔俾我嚟医你㗎咩？

思：你都癫线㗎！而家系我嚟医你呀！

斯：恁不如你坐过嚟先啦，你医我吓嘛！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

思：我做咩过嚟呀！

斯：你惊乜啫？我绑住㗎，你睇下出面.....

思：唔睇呀！

斯：你睇下啦！

思：有咩睇啫！

斯：你睇左先啦！你系咪觉得出面成个世界黐晒线？对你唔好？欠徂你好多嘢？唔好讲你自己呀，每日你打开个电视，都会有好多荒诞嘅新闻。系咪有啲议员贪污，仲大大声声话人。有啲高官同啲有钱佬，同流合污，炒高晒少楼价，搞到有楼冇人住得起，跟住就话自己系为人民服务。

思：你讲呢少新闻黎做咩呀，我知呀！

斯：唉.....恁我唔讲呢少新闻，我讲近少。有少妈妈趁老公唔喺屋企，背住自己老公，偷偷地同人上床。仲有少爸爸，趁老婆唔系屋企，强奸徂自己个女。

思：点解你要同我讲呢少嘢呀！点解你会知道我.....(背向斯)点解你会同我讲呢少呀！讲呀！

斯：我做徂多嘢，都系帮你咋！

思：好！我松徂你，你就要话畀我听！

斯：唔该晒！（起身，伸懒腰）.....衫，根本就系一种捆绑，又或者系隐藏自己身份嘅戏服。你话系咪呀！呀！
不如你试下啱唔啱着？

(斯拿起件衫，给思)

思：唔要呀！（退后）我唔需要着呢少衫！

斯：要呀！（思推跌斯）

思：我要杀徂你！

斯：捏死我啦，唔够大力，大力少！

院：（坐着）搞咩呀！（起身，跑一圈）

(院长进入舞台)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

斯：院长，佢...想杀死我！

院：你有冇搞错呀？你系咪有病呀？

思：（跑圈）我有病呀！我有病呀！我有病呀！

(灯转)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第四场

(教授的房间)

教：我都唔知讲乜咩好。不如你都入埋去呀？你个病根本就未好返！呢个世界真系荒谬，一个准心理学毕业生，曾经.....我都讲唔出口.....

思：唔系呀！

教：我唔系讲你身世呀，只可以话能医不自医，医唔好个病人，仲想杀死个 **patient**，你根本就 **totally metal disorder!**

思：唔系呀，我好返好耐㗎喇，系.....佢想用刀刳我呀！

教：恁你点解要解开佢件束衣呀？人地有 **cam**㗎，你点解仲要讲大话呀？

思：你监视我呀？

教：系呀。我点解唔可以监视你呀？我而家正式同你讲，你毕唔到业。仲有你有机会接受法律嘅制裁或者入精神病院，因为院长已经报徂警。

思：（歇斯底里）唔好呀！

（男朋友入）

男：思...

父：思...

教：思...

友：思...

坏：思...

院：思...

众：思...

（众人边说边帮思穿束衣）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

父：思，过嚟爸爸度！

友：我帮你出头，点解你唔救我？

男：我哋结婚，我哋生小朋友啦。

院：想做精神病医生？

教：我都唔知点解会收你呢个学生！

父：（凶恶地）除衫！

友：你睇住佢地打死我？

院：想学我？唔洗指意。

教：我都唔知点解我会比你 defer 一年！

男：你唔洗做医生㗎喇，我有能力照顾你㗎喇！

(众人取笑思)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第五场

(精神病院内)

(见思呆滞地坐在椅子上摇动)

(斯无语看着思)

(沉默)

斯：今次系我最后一次 visit 你.....

思：Visit?

斯：Visit，治疗。

思：我唔需要治疗。

斯：你需要治疗。

思：我有事。

斯：你有事？

思：系。

斯：系。

思：(肯定) 系你讲过㗎，出面成个世界嘅人都系藕线㗎，点解你唔出去医个心人呀？反而要嚟医我？

斯：因为个制度话畀我哋听，佢哋有事，我有事，系你有事，系个制度标签俾你有事。

思：恁个制度有问题咯。我先系最睇得清楚成个世界嗰个。

斯：可能啦。不过有时睇得恁清楚系好辛苦㗎，所以你都系留喺度好点。

(沉默)

斯：我想同你讲.....我好同情你。

思：我唔需要人哋同情我呀！

斯：你有一个悲哀嘅童年.....

思：我童年好开心！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

斯：恁你妈咪呢？

思：妈咪…喺屋企、

斯：你讲大话！你阿妈走徂好耐喇喇！

思：冇呀！

斯：你阿妈跟第二个男人走徂！

思：冇呀！

斯：恁你爸爸呢？

思：我爸爸好爱我喇！

斯：但系你爸爸爱你爱到侵犯你！

思：冇呀。我爸爸真系好爱我喇！（哭）

（沉默）

思：点解你哋要成日提心令我唔开心嘅嘢？

斯：你要面对现实先可以好返喇！

思：点样面对现实呀？个现实根本唔好呀！

斯：你要面对现实之后，先可以睇到自己呀，先可以救到自己呀！

思：恁你哋心所谓大人，又睇唔睇到自己呀？

（沉默）

斯：我帮你唔到喇喇。要交你畀第二个医生。

思：你紧系帮唔到我啦，你都系痴线喇嘛！

（见斯穿回束衣）

思：束衣唔系恁着喇。

斯：你见到我呢件系束衣咩？

思：系呀，调翻转着呀！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

斯：我走喇，祝你好运！……（停下来）系呀……我曾经讲过出面每日都有好多荒诞嘅事……但系……如果出面有十个人，有九个系向前行，而得一个唔行或者向后行，恁呢个人有可能话嗰九个人系错嘅。

思：走啦，你哋个个都撬线㗎！

(思推跌斯)

斯：Nurse!

(医护人员冲进入内)

敏：揸低佢！

医：唔好郁呀！

(医 2 给思打针，医 1 扶起斯)

(思晕低)

(灯转)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第六场

(仍然在精神病院内)

(见思神情更加呆滞，她来回坐在櫈上)

思：你有病.....我无病.....你有.....冇.....你有冇食药？.....冇.....真系好返？.....我真系好返.....

(Professor Law 进入)

教：思，你近来点呀？

思：罗教授，我好好呀！.....我想问我毕唔毕到业呀？

教：毕到.....

思：毕到？我未交第二篇论文啲！

教：唔系呀.....你交徂啲喇.....仲好高分.....

思：系咩？

教：思.....我想同你讲.....系我迫得你太紧.....对不起！

(教离开)

思：唔好走！唔好得返我一个呀！

(父进入)

思：你系边个呀？

父：思.....我系你阿爸呀！我琴日啱啱出狱.....

思：阿爸？我记唔起你个样喇.....

父：我你点呀？你唔好吓我？

思：我阿爸有恁多白头发嘅.....

父：思，对不起啊！

思：你无我阿爸恁恶.....

父：系我害徂你，你原谅我得唔得呀！

(父跪低)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

思：我唔要除衫呀！

父：对不起啊！

(父离开)

(男朋友进入)

男：阿思！阿思！你点呀？你一定要好返呀！.....你一定要好返呀！你嘅主诊医生要将你呢个 case pass 畀第二间医院，思，你一定要好返！

思：点解呢个世界要怎样对我呀？

男：而家呢个世界就系佢荒谬.....表面上，好似好有秩序，好有纪律.....但.....其实.....系咩？有时候出面嘅人.....根本都控制唔到自己，十个有九个都系为名为利为私欲.....不断去伤害人.....净低嗰一个人就.....其实我哋都系受害者.....唔清楚边个啱？边个错？边个系正常？边个系有病？唉！.....我明知道.....食祖药系会令到你哋更加呆滞，更加唔舒服，目的系唔畀你哋病发.....令你哋忘记以前一切.....但.....其实系.....治标唔治本，系一种逃避嘅方法。而我.....身为一个精神科医生，都要跟住呢个规则，照样去开药畀其他病人(苦笑).....怎样真系会帮到你哋咩？阿思！你一定要好返呀！而家唯一可以救到你嘅人，就系你自己！你一定要相信自己一定会好返！我一定会等你！

思：多谢你呀！

男：(感恩地)阿思！

(灯光转变，就像时间飞逝)

(男朋友慢慢地帮思脱下束衣，并且牵起思的手)

(众演员慢动作地在舞台中走来走去)

(人海中，斯与思再次相遇，对视了一会，离开对方的视线)

(而男和思笑着继续向前走出舞台)

(灯暗)

(全剧完)